

**Oqaasiliortut oktoberip 31.-anni 2003, nal. 10.00 Oqaasileriffimmi ataatsi-
miinnerannit imaqarniliaq.**

Peqataasut: Carl Chr. Olsen, Stephen Heilmann, Nuka Møller, Ellen Jensen
Allatsigalugu: Pia N. Knudsen.

Oqaluuserisassat:


1. Ilisimatitsissutit
 - a. Sprogteknologi pillugu ataatsimiinneq (EJ)
 - b. Ole Gresenip oqaatsinik miniparløriliaa
2. Kingullermik ataatsimiinnermit imaqarniliap akuerisassanngorlugu saqqummiunna
3. Inuit Aqqinik Akuersisartut ingerlatilernissaannut piareersaatit
4. Allagartalersuineq pillugu ataatsimiititsinissaq-januar 2004?
5. Oqaatsit isummerfigisassat:
 1. Fortrydelsespille
 2. -allat?
6. KIIP-imeersut ataatsimeeqatiginissaat
7. Taasariaqartut allat

-1 pillugu-

a.

EJ: EJ sprogteknologi pillugu ataatsimiinnermi peqataanermini paasisimavaa sprogteknologi ulluinnarni atugaasorujussuusoq.

Nunani avannarlerni allaniittut teknikkikkut siuarsimanerunerat takusinnaallugu EJ oqarpoq.



Nunani avannarlerni Oqaasiliortut tamarmik immikkut programminik assigi-inngitsunik atugaqarlutik (oqaatsinik katersinermi) sulimmata suleqatigiinniar-neq ajornakusoortartoq EJ-p oqaatigaa.

Per Langgårdip Oqaasileriffimmi atorfillip EJ nassuiaassimavaa januarimi 2004-mi Oqaasileriffiup Windows atorunnaarlugu Linux Corpus oqaatsinik katersinermi atulissagaa.

CCO: Programmi Oqaasileriffimmi sulisup Lisathe Møllerip ilinniariartorlugu maannakkorpiaq Finlandimiipoq novembarillu arfernanni maanga utissaaq.

b.

CCO: Ole Greisen mappersakkamik qallunaatuumiit kalaallisuunngortitsilluni siutitut qinngamullu tunngasumik suliaqarsimavoq. Mappersagaq nakorsanut tamakkuninnga sulialinnut tunnganerusoq Ole Greisen CCO-p oqaloqatiginerani nassiuiaanikuuvoq.


CCO-p Ole Greisen oqaatsinik tapertariinnissaq anguniarlugu suleqatiseri-galuarpaa iluatsinngutsumilli. Ole Greisenip mappersakkap naqiterneqarnissaa akornusersorusunnagu suliarinikuusani allannngortikkusunngikkai CCO oqarpoq.

CCO-p Maibrit Andersen mappersagaliornissaq pillugu Oqaasileriffimmut saaffiginnimat saaffiginnissutaanut akissummik allaffiginikuuaa.

-2 pillugu-

NM: Quppernermi siullermi "ilaasortanngorqqinneranut" naqinnerliugaq naqqip-paa. -Iluarsineqarpoq.

SH: Quppernermi kingullermi "udenrigsministeriet" udenrigskontoriusoq oqaatigaa.- Iluarsineqarpoq.



Imaqarniliaq akuerineqarpoq.

-3 pillugu-

CCO: Inuit Aqqinik Akuersisartut Oqaasileriffimmut nuunneqarnissaa 1. november 2003 siunertarineqarpoq.

Allagaatit tamarmik Oqaasileriffimmut nuunneqarnissaat siunertaavoq. Allakkallu aqqinut tunngasut Oqaasileriffimmut ingerlasalereerput.

Inuit Aqqinik Akuersisartut Oqaasileriffimmi ataatsimiittalissapput oqarasuaataannakkut akuersisarneq atorunnaarluni.


Morten Selejer KIIP-mi inatsisilerituup ankeinstanseqalernissaq anguniarlugu suliaq ingerlappaa.

Oqaasileriffimmit pilersaarutaavoq inuit aqqinik nalunaarsuiffimmik suliaqarnissaq aqqinik akuerisanik, akuerisaanngitsunik aammalu qinnuteqaatigineqarnikunik imalimmik. Inuit Aqqinik Akuersisartut takussutissamik tigeriaannarmik peqalernissaat tassani siunertarineqarpoq.

Pilersaarutit:

- | | | |
|-------------------------------------|---|--|
| 1. Nalunaarsuutit | } | Kirkeministeriamit bekendtgørelsit
pisalernissaat, aamma pioreersut
pineqarnissaat |
| 2. Europamiut aqqi | | |
| 3. Europamiut aqqi kalaalerpaluttut | | |

CCO: Europamiut aqqi isummerfigiuminaatsut utaqqiisaasumik aalajangersaaffigineqarnikuupput, tassa Palasinit akuerineqarsinnaallutik.



-4 pillugu-

CCO: Allagartalersuineq pillugu ataatsimiititsinissaq januarip naalernerani 2004-mi pisinnaappat ajussanngikkaluartoq CCO-p oqaatigaa.

Ingerlanneqartussaq *Isumattoqatigiinneq*-mik taallugu ingerlanneqassasoq Oqaasiliortunit aalajangerneqapoq.

Isumattoqatigiinnermi pinngaarnertut sammeneqassapput allagartalersuinnermi allattaatsit, qanoq ililluni kikkunnit tamanit paasineqarsinnaasunik allassinnaanermik siunnersoqatigiinneq il.il.

Isumattoqatigiinnermi suliffeqarfiit inunnik kikkunnilluunniit sullissisut peqataatitaqarnissaat siunertarineqarpoq.

Peqataatitaqartussatut allaffigisassat:


RAL, Nukissiorfiit, Namminersornerullutik Oqartussat, RG, Tele, Napparsimaviit, Tusagassiorfiit, Aningaaseriviit, Air Greenland, AULK, KANUKOKA, Nutserisoqarfik, Statsministerip nutserisui, NO...

Suliffeqarfinnut allagaqarnissaq sapaatip akunnerata tulliani pissasoq CCO-p oqaatigaa.

Isumattoqatigiinnermi ullut pingasut atorneqarnissaat Nuummiinnissaalu naatsorsuutigineqarpoq.

Oqaasiliortut Isumattoqatigiinnissaq januarip naalernerani sapaatip akunnera kingulleq pissasoq aalajangerpaat.

Inersuarnik attartorneqarsinnaasunik Oqaasileriffik ujarlissasoq aalajangerneqarportaaq.



-5 pillugu-

Taaguutit kalaallisut taaguuteqartinneqanngitsut eqqartornerat:

1. Fortrydelsespille: CCO-p siunnersuutigaa *Naartulerasugaluni iisartagaq*.
2. Allat:

SH: Lykke piller kalaallisut qanoq taaneqartassanersut aperivoq, *Nanertisimanaveersaatit* CCO-p siunnersuutigaa.

-Tørt vejr: *Isugutaqanngitsoq* SH-p siunnersuutigaa, panernartoq arlaannut attuumassuteqarluni atorneqartarmat *Isugutaqanngitsoq*-p atorneqarnissaa tulluuttoq SH oqarpoq.

NM: Padægogisk center: CCO-p siunnersuutigaa *Perorsaanermut ilisimatuseqarfik*.

-Paretetisk nævn: *Amerlaqatigiiaanik inuttaligaq* Oqaasiliortut siunnersuutigaa.

-Selvmordstruet: *Imminoqqajaasoq* siunnersuutigineqarpoq.


-Opsøgning: *Orniguttarneq* Oqaasiliortunit siunnersuutigineqarpoq.

CCO: Administrerende direktør: *Pisortaaneq* siunnersuutigineqarpoq.

- Kontorchef: Taaguut atorneqartussaq tulliani ataatsimiinnermi siunnersuutigineqassaaq.

CCO: Oqaasiliortut ataatsimiinnerini Oqaatsit isummerfigisassat oqaluuserisasanut ilanngunneqartalissasut CCO-p siunnersuutigaa ilaasortallu tamarmik akuersaarpaat.

-6 pillugu-



CCO: Jakob Møller Lyberth tikippat Autorisationsnævn pillugu KIIP ataatsimeeqatiserineqassaaq.

-7 pillugu-

NM: Microsoft programminik kalaallisut nutserneqarnissaanut aningaasaliinisaminillu pilersaartoq NM oqarpoq.

Oqaasileriffik moderatoreralugu suliarineqarsinnaanera NM-p eqqarsaatigeqquaa.

CCO: Oqaasileriffiup Microsoft tamanna pillugu allaffiginikugaa sulili akissutismanatik ilisimatsitsissutigaa.

Ataatsimiinnissaq tulleq qaqugu pissanersoq kingusinnerusukkut nalunaarutigineqassaaq.

Carl Chr. Olsen
Siulittaasoq

Pia N. Knudsen
Allatsi